



795

1577.14









T 321

# Missive ghemaect op

den naem van Schoudt / Burgermeesteren /  
Schepenen / ende Raeden / der Stadt  
Vtrecht / ende ghelonden aen de  
Staten van Hollandt.



Ende was Ghedruckt

TOT VTRICHT,

By Jan Corneliszoon / geswozen Drucker van zijn Excellencie  
ende in den Heeren stichts van Vtrecht / wonende inden  
Engel by de Hieronimus Schole. An. 1587.

795

14

# Wijlme almanack op

Van naem den Schout / van Amsterdam  
Schepenen / ende Raeden der Stadt  
Wierlijck ende gheschieden den 22  
Februarij 1664.



Wierlijck gheschieden

TOT VRECHT

Van den Constaet / van Amsterdam / gheschieden den 22  
Februarij 1664. / Wierlijck gheschieden den 22  
Februarij 1664.





Edele Ermfesten hoogheleerde wyse seer discrete Heeren, goede Vrienden ende naebueren.

**O**p en zijn boozwaer niet min bedroeft te hoozen in wat staet in yn Excellencie uwe zaken ghelaeten heeft/ als wy te voorens verblgt waren/ metten goeden hoop van Satisfactien/ die hem by V. E. Resolutie vanden achtghenden des ses/ scheen ghegeuen te syn/ want ons de geheele sacche/ als den Vyanden naest geseten/ ende den daghelixen aensoot onderwoopen/ aldermee is betreffende/ daerom wy V. E. oock gebeden willen hebben/ dit ons schynuens/ acndachtelighen te behertighen/ ende onse ghesanten (die wy wt onsen Raedt tot sulcken eynde derwaerts hebben/ afgeveerdicht) niet een vruchtbaer Antwoort naer eynich des hooch d'inghenden noots/ opt spoedichste (wie ghetrouwe Bont-gher oren eygent) te beieghen/ V. E. can niet vergheten wesen doen wy ouer twee Jaren naer Frankryck gesonden hadden. Ende van Coninck Henrick weynich troostes/ iac gansch gheen saghen te verwersuen/ hoemen ons soo voer als naer onser gesanten wedercomste vooghedagen heeft (t'gheene oock waerachtich was) hoe veel zeecherder ende vaster hulpe wy vanden Coninginne van Engelandt/ so van wegghen der Christeliker Religie/ als wt andere vele redenen ende ommeffanden meer dan van eenighe andere Potentaten in Christenryck te verwachten hadden/ wat groote noot/ ons daer toe d'ong/ ende hoe onses (naest den alomghenden Godt) anders geen en raedt hulpe/ noch hope en was.

V. E. en is ooc niet onbekent/ hoe gecrne wy u ver soech ende aduys daer inne ghevolcht hebben/ ende niet hoedangen vuer wy niet alleen t' secours van hare Maesteyt/ maer ooc den persoon van yn Excellencie ontfanghen hebben.

Wat ons zedert wederuaren is/ hoe de Duvuel ende den Paus

A ij met



met zinnen gantschen aenhangh geraect ende ghewoedt hebben/  
om dat onse saecke ende die Christelike Kellinge (d'welcke nouw  
voor hem gheschiet) d'assistentie van soo cene machtighe souue  
reynne Princeesse vercreghen hadden / het selue wo:dt ons / deur  
die daghelichre eruarunghe meer als ghenoech betuycht / ende  
heeft ons altoos den meesten hoop ghegheuen van een ghelucki  
ghe wtcomste / als wesende dit rasen ende woeden / een ghewis  
littecken haeres anstaenden onder gancx.

Doen wy nu so verre ghecomen waren dat wy ons tot de Co  
ninginne van Engelandt begheuen / ende onse hope ende hulpe  
(naest Godt) op so goede / vaste Steen-koorfe ghebauwet had  
den / hebben wy ons des te meer hier in bevliticht / dat wy oock  
van onser ynde / ons ghetrouwelijck ende standvastelijcken ten  
wre:ten toe quiten souden. Wysonder int stuck van ghehoor  
saemheyt / ende authoriteyt / wel wetende soo wy hier in (als  
ons meest ontbrekende) oock aldermeest van onse teghenpar  
thven / souden beuochten worden / dat wy des te manlycker ons  
daer teghens behoorden te versien.

Wat ongheluck ende schadelijcken inbuech dese twee hooft  
stucken / ghehoor saemheyt ende authoriteyt / sedert een Jaer her  
waerts gheleden hebben / wat valsche gheruchten ende calum  
nieuse rapporten / aller wegghen tot sulcken eynde zyn verbruyt  
wo:den / dat sien / dat gheuoelen / dat beschreyen wy.

Betuyghende voor den almoghenden Godt / die een kender  
is onser herten / soo wy daer al in onse ziele / voor zyn strenghe  
oordeele sullen moeten verantwoorde / dat wy allen onsen voor  
leden ende teghenwoordighen handel / tot gheenen anderen eynde  
de gerecht en hebben / noch en dencken te rechten / dan om waer  
te nemen Godes aengeboden genade / hare Maestrents welda  
den met blyckende danckbaerheyt te erkennen / zyn Excell.  
zyn nootwendighe authoriteyt meer ende meer te beuejighen /  
ende onse ghehoor saemheyt niet alleen int aennemen zynder  
beuelen / maer oock int opbrengghen onser middelen ten laetsten  
toe datelijcken te bewysen.

Tot welcken eynde wy / niet teghenstaende d'uyterste bederf  
onzer Landen ende lieden (t' verhael onzer schaden onvermindert  
wie reden is) onse voorgaende quote besloten zyn te continueren  
ende 200 m lb. dat meer is / beuinden se dese 200 m lb. niet ghe  
nochsaem tot betalinghe der Garnisoenen / ende vervallinghe  
der



der bulloopende oncoffen / sonderlinge als men neffens t' secours  
van hare Ma<sup>r</sup>. vijf of ses duysent voer volcx met twee duysent  
peerden / int velt wttrecken ende gebruycken soude / yn wy daer  
ouer doende (Godt gheef wat raet wy soecken / hoe wy ons be-  
nouwen / perffen / druckē) ons aenpaert inde 250<sup>m</sup> lb. ter maent  
neffens de andere Prouincien te vinden / ende op te brenghen /  
wel wetende als die Vanden ons onder haer tyannich tock ge-  
brucht soudē hebben / wat ons dan meer ende hoe vileynlyck  
tot beswaernisse onser ellendigher verdrukkinghe / wtgheperst  
souden worden.

Dit is dan t' gheene daer mede wy daghelijcx becommert sijn  
dat wy d' huen ende waer toe wy strecken: Godes genade / hare  
Maiesteits gunste / d' autoritent sijnre Excellentie onse gehoors-  
saemheyt / t' samen metten welstandt onses bedrucktens Vaders-  
lants te behouden.

Worden van ons andere gheruchten ghestront / daer met on-  
sen goeden voer te verdonckerē / twijfel ende misverstant tusschen  
den Prouincien t'onsteken / haere Maiesteit ende sijn Excele.  
af te wenden ende also die sake tot eenen Spaenschen peys te  
brenghen / wy betuyghen den Godt des Hemels dat ons hier in  
cracht ende ghewelt geschiet / ende dat wy des ontschuldich sijn.

Doch en is ons niet onbekent dat ons dit alles hercoemt vā  
den geenen die sich ouer ons beclagen / dat wy haer sonder reden  
van hier hebben doen vertrecken / haer recht ende iustitie wenge-  
ren / ende ons van sulcke personen / die hier noch geboren / noch  
ghegoept sijn op-stucken laten.

Nochtans moeten wy bekennen / dat wy t'onrecht haer beclae-  
ghen ouer den geenen / die haer lieder wtsegginge nouw geueuen  
hebben / ende nouw van haer lieder versocht sijn gheueest noch  
om recht ende iustitie / noch om die redenen haerder wtsegghin-  
ghe te erlaughen.

Sulcx dat sy t'onrecht haren moet op ons wt sloeten / in son-  
derheyt op den gheenen / die sy segghen inden Magistraet ghes-  
sielt te sijn teghens onse priuilegien / nu meer als ouer dyn Varen  
doen sy selfs by solemnele resolution vande gheheele prouincie  
op voorgaende beschuyvinghe gesloten hebben / gelijcke perso-  
nen totte voornemste deses riches Ampten en officien te vers-  
soecken: nu oec meer / als by ryden Keyfers Caroli ende des Co-  
ninx Philippi / doemen personen in buyten dese seuenthien  
Prouin,



Provincien geboortich in onsen Magistrat gebuyert heeft/ van  
welcke elcke redert die Pacificatie van Weyndt/ seljs lude ges-  
nen die nu dese imperimentte crachte meest zijn dymende/ neffens  
personen wt Zabiant ende elders buyten dese Provincien ges-  
boren in onse Magistrat geset/ ende tot op den huidige dach  
zonder rep/che continuelijke daer in ghehouden ende gheble-  
uen zijn. Welcke ende meer diergelycke acten den lesi ledē Ma-  
gistraet tot exempele hebben moghen dienen om die voors. pers-  
soonen tot haren naervolghers onbewaert te noemen.

Nu dan W. E. hier met ten vollen bericht innde van ons goet  
bestendich voochtinen/ waer nae wy trachten ende hoe wernich  
men ons hier en teghens heeft te beschuldighen/ twyselen wy  
niet W. E. sullen onse ende des gheheele Landts raechen (wie  
goede Raebueren ende Christelike. eener Religie Sondver-  
wanten ghebuert) met ons totten seluen eynde behartigen/ ende  
bedencken/ of ons noch vuyt staat eenighe saecke ter werelt tot  
mishaghen van hare Maesteyt/ tot vercleyninghe zijnder Ex-  
celle. ende uwer Sondtghenooten onderganch op te nemen hoe  
groot ende ghewichtich die moesten zijn/ eer so d'importantie ons  
ser behoudenisse souden connen ouerweghen.

Ende dit is waer in wy niet anders doen/ dan wy t'voorleden  
Jaer/ by v eyghen reden/ propoosien ende inductionen zijn ver-  
maent gheweest/ de welcke doen ter tijdt ons bewoeghen heb-  
bende nu wederom tot W. E. keeren/ v niet alleen te ver-  
maenen/ maer in alle eerbare redelichheit af te wysen/ dat  
doch in v plaets ghype t'ghene wt uwen eyghen mont ghecomen  
in ons soo goede plaetse ghegrepen heeft/ te weten: Doen wy  
inden beghinne des voorszeden Jaers/ ons beswaert vonden/  
inde vryen kuer die zijn Excellentie begheerden van eenen pers-  
soon wt elcke provincie inden Raede van Staete/ W. E.  
sels op de Generale vergaderinghe onse ghesanten verclaerde  
hebben/ eer zijn Excellentie niet verneucht soude worden/ dat  
W. E. hem lieuer den gantschen kuer vanden geheelen Raede  
wilden toelaten. Vy waer hier gheromen om te regheren/ ende  
niet om ghergheert te worden: Om te ghebieden/ ende niet om  
ghehouden te worden: Om Wetten te stellen/ ende niet om te  
ontfanghen/ Ende soo wy hier toe niet en souden willen ver-  
staen/ dat W. E. aldaan ghemeent ware daer in by haer seluen  
ende appart te versien, Dat nu dese uwe eyghen seljs rede-  
nen



nen in v plaats grūpende / zyn Excellentie in zyn nootwendighe  
authoriteit / ende naementlyck int stuck vande Contributien  
ende wes t'beleyt der Oorloghen aengaet / bevesticht ende daer  
inne ghehouden werde. Want behaluen dat het van noode is  
onse ; warke middelen met authoriteit te sijnen / zoo zyn oock die  
redenen die ons hare Maiesteyts bystandt hebben doen verocc-  
ken / nu soo veel te ghewichtigher als wy sedert meer ghe-  
crencht / ende seer nae ten wtersten ghecommen zyn. Anders  
soudt schijnen / dat de noot (die ons van aent beghin doen wy  
machtiger waren hare Maiesteyt heeft doen versoeken) ons  
soo veel harder persijende / ende wy nochtans hare Maiesteyts  
hulpe met vermindringhe van den voorighe authoriteit ghe-  
noech verwerpende / of willens ende wetens in onsen doot  
ende verderffnisse loopen / of eenen Spaenschen peys metten  
Hertoghe van Parma voornemen wilden.

Ende; do dan onse vereenichde Provincien niet als vreemde  
linghen maer als Broeders van eenen Vader by den anderen /  
recht of het maer een Lichaem waer / in een Verbondt ende in  
een sake verknoot zyn / sulcks dat proffijt / eere / behoudenisse /  
schade / schande / verderffnisse / van d'ene d'andere / als zyn  
eyghen selfs treffen moet; zoudn wy ons voordien; eluen Godt /  
dien wy ouer die beswooren zynner Excellencien authoriteit  
ende onser ghehoorsaemheyt met opgherechte vingheren heb-  
ben aengheropen / ingheval van vermindringhen uwes  
bouen verclaerde ghemoets (des verre sy) moeten betuyghen /  
hoe noode ende met hoe groote hertsleet-wesen / wy uwe  
E. hier met beschaemt ons ende alle vrome Landsfacten  
vercoyt ende bedroggen souden vinden / daerom wy uwer  
E. anderwerf vermacndt ende ghebeden willen hebben /  
soo lief v is eer ende eedt / gheloof ende trouwe / om die sac-  
ke Godes ende zynner Armer ghemeynten / om die weldaeden  
van haere Maiesteydt / ende die verdiensten van zyn Excel-  
lentie / om die beschermenisse uwes beminden Vader-Lands  
zynder lieden die v trecken moghen / beden die uwerlie-  
den beweghen moghen / traenen der ellendighen / die v be-  
moeten moghen / besitten wy een vanden voornoemste plaet-  
sen onser Gontghenooten / die behoudinisse van den welcke /  
v dienst Vriendschap ende eere ; Verlies / v schade verdriet  
ende



ende schande souden moghen toe brenghen / dat doch alle  
 vorighe swaricheden / disputen ende passien ( daer met  
 Tanden verlooren / maer niet behouden cunnen worden ) verre  
 van ons ghevoijen / wij zijn Excell. tot ons eyghen selfs pro-  
 fyt / ende weluaren contentement gheuen / in t'ghene wy hem  
 schuldich zijn / ende van aenbeghin / op v eyghen selfs inductie  
 ghegheuen ende vergunt hebben / niet twijfelende haere Ma-  
 sal ons wel ia meer doen dan tot noch toe / zijn Excell. sal in zijn  
 voorgaenden dienst blivmoedich continueren / die goede onder-  
 danen sullen een volghcke moet grijpen / onse Wyanden sullen  
 daer met ongheloofteliker wyze ghebroken worden / ende Godt  
 almachtich sal onse rechtuerdighe sake met een ghelucksalighe  
 wt comptijte gebenedyden / waer op W. E. goedighe ende spoe-  
 dighe antwoorde met onse ghesanten verwachtende / bidden wy  
 Godt almachtich /

Edele Erntfeste hoochghelerde wijse seer discrete Heeren,  
 goede vrienden ende nabueren, uwe E. gheluckfali-  
 ghe ende voorspoedighe regheringe te bewa-  
 ren. Gheschreuen t'Vtrecht desen

XXI. Septembris.

Anno. 1587.



